

义门诏

唐僖宗旌表义门陈氏诏

皇帝诏曰朕自临御以来嘉惠元元务其俗渐雍熙治臻淳古
尔江州陈氏

行敦孝弟法備勸懲数世同居怨尤不宿一堂聚食亲逊可风
有司以闻朕

甚嘉之是用覃恩特加旌奖尚其益笃兹爰风感乡邦毋负朕意

乾符元年甲午七月 日

南唐敕建义门诏

皇帝诏曰浑噩洽雍熙之化孝弟绝悖逆之端惟奕葉懋纘承
之光斯

箕装增绍述之绪尔江州陈氏庭除嚴肃内外雍和世绪历九
传居食犹共

户口添七百慈爱不疏异类尚徵善义朝廷豈靳宠褒兹用覃
恩旌尔建立

义门免其徭役俾孝弟食天家之报而编氓识至性之良

昇元元年戊戌七月 日

宋太宗貸义门陈兢粟诏

皇帝诏曰发粟賑饥乃救荒之政奖德劝善尤异数之加江州义门陈氏累世淳良全家孝义在先世尝邀宠锡至朕躬岂靳褒嘉自今后其本州每岁给粟二千石以资乏食尔陈氏须仰体朕意益励修为为乡邻式朝廷曠典不尔靳也钦哉

淳化元年庚寅四月 日

丁南湖曰兢乃宜都王陈叔明之后宜都一裔预以孝义相传历隋唐五季以至赵宋而子孙富盛如此宜矣史论曰陈兢七百口同居公也公则无私意治家之良法纲目书义门所以美陈兢书貸粟所以美太宗也 朱子云自古称刑子之化首推文王然其序易家人之后必继以睽者岂非以一家之内贤愚雜处势难畫一哉江州同居十余世共食者以数千计尊卑内外何如其和也昔人评千古奇遇谓唐虞有君臣成周有父子陈蔡有师弟吾亦曰江州有兄弟矣旌门貸粟宜哉

贈义门陈氏始祖五世公爵救

盛德开保世之祥衍庆恆出于祖泽圣朝隆报功之典追美必及乎先人惟汝江州义门陈氏代传孝弟世绍簪缨累世同居历年已几乎五百终朝共爨聚族實逾乎三千祖德之培养既深公侯之赏锡难靳兹特贈汝始祖唐德安令陈旺晋国公二世唐中书舍人陈机燕国公三世唐迪功郎陈感许国公四世唐處士陈闌吴国公五世唐万年尉陈青齐国公呜呼褒崇虽誉于先朝显扬宜彰乎昭代锡之祠祀祭以孟冬庶几率土之民咸化同堂之义

天圣元年四月 日

宋天圣五年丁卯正月 日覃恩敕賜义门陈氏显祖讳青由青而上诗蘭讳感
讳机 讳旺五世公爵敕立祠堂五龕命祀以 先师礼酌獻

皇帝敕曰义门陈氏家法称善父师之训是严公侯之爵无靳锡以大礼拜以

先师庶几大表淳风光扬孝弟以奖一家之善以化天下之民

敕赠陈青齐国公

救赠陈蘭吴国公

敕赠陈感许国公

敕赠陈机燕国公

敕赠陈旺晋国公

宋真宗授陈旭将仕郎守江州助教敕

睦族敦伦一室聚雍和之景扬休播美大廷隆宠渥之恩惟汝江州义门陈氏
蒙太邱之余泽袭著作之遗体孝义宏敷物类尚昭其感格仁恩深浹里党悉化其

兢争及汝陈旭作起后昆丕承先绪早彰素履闻望久著于儒林克懋清规风声益昭于闾巷宜膺沛泽用保耆年可授将仕郎守江州助教特颁纶綍之荣式光庠序之烈 大中祥符四年六月 日

宋仁宗授陈蕴守江州助教敕

古圣垂经端本必先于孝弟明王致治立教不外乎人伦惟汝义门陈蕴确守先规凜承祖训敦儒术以修身笃义风而睦族三千余口之共食最兹来者深懼偶习乎浇漓一十六代之同居勉汝后人惟益相维于孝义真典型足尚实年德可嘉俾参席于郡痒用昭荣于里閭可授将仕郎守江州助教益励勤劳无忘宠渥凡有状事具名以闻特敕

天圣四年十月 日